



ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅՈՒՆ
ԵՐԵՎԱՆԻ ՊԵՏԱԿԱՆ ՀԱՍՏԱՍԱՐԱՆ

22, Երևան, 0025, Ալեք Մանուկյան 1 • Республика Армения, Ереван, 0025, Алека Мануогяна 1 • 1 Alex Manoogian st., Yerevan, 0025, Republic of Armenia
(+374 10) 55-47-52, (+374 10) 55-46-41 (Fax), info@ysu.am, www.yasu.am

№ 06/431 «16» Յուլի 2023թթ

«Թեյստի Գրուպ» ՍՊԸ-ի տնօրեն
Վարդան Աբգարյանին
(ՀՀ, ք. Երևան, Աջափնյակ,
Նորաշեն թաղ., 14 շենք, բն. 22)
Էլ. փոստ՝ tastygroup1@mail.ru

Ծ Ա Ն ՈՒ Ց ՈՒ Մ

(«ԵՊՀ-ԷԱՃԱՊՁԲ-23/02-4» ծածկագրով պայմանագիրը միակողմանի լուծելու մասին)

«Երևանի պետական համալսարան» հիմնադրամի (այսուհետ նաև՝ Պատվիրատու) և «Թեյստի Գրուպ» ՍՊԸ-ի (այսուհետ նաև՝ Ընկերություն) միջև 04.02.2023 թվականին կնքվել է ապրանքի մատակարարման թիվ «ԵՊՀ-ԷԱՃԱՊՁԲ-23/02-4» ծածկագրով պետական գնման պայմանագիր (այսուհետ նաև՝ Պայմանագիր):

Պայմանագրի 1.1 կետի համաձայն՝ «Վաճառողը պարտավորվում է սույն պայմանագրով սահմանված կարգով, ծավալներով, ժամկետներում և հասցեով Գնորդին մատակարարել պայմանագրի N 1 հավելվածով՝ տեխնիկական բնութագրով նախատեսված և «ԵՊՀ-ԷԱՃԱՊՁԲ-23/02» ծածկագրով գնման ընթացակարգի գնահատող հանձնաժողովի՝ հայտերի բացման և գնահատման նիստի արձանագրությամբ՝ նույն ընթացակարգի հրավերով սահմանված պահանջներին համապատասխանող գնահատված ապրանքը (այսուհետ՝ ապրանք), իսկ Գնորդը պարտավորվում է ընդունել ապրանքը և վճարել դրա համար: Սույն կետում նշված արձանագրությունը կազմում է պայմանագրի անբաժանելի մասը: Ապրանքի մատակարարման ժամանակացույցը սահմանված է սույն պայմանագրի N 2 հավելվածով:»:

Պայմանագրի թիվ 2 հավելվածով սահմանված մատակարարման ժամանակացույցի համաձայն՝ ապրանքների մատակարարման ժամկետ է սահմանվել՝ «2023թ.-ին համապատասխան ֆինանսական միջոցներ նախատեսվելու դեպքում՝

կողմերի միջև կնքվող համաձայնագրով սահմանված ժամկետում համաձայնագրի կնքման օրվանից՝ ըստ պատվիրատուի կողմից ներկայացվող պահանջի:»:

Պայմանագրի 8.15-րդ կետի համաձայն՝ Պայմանագրով նախատեսված ապրանքների մատակարարումն իրականացվում է այդ նպատակով ֆինանսական միջոցների առկայության և դրա հիման վրա կողմերի միջև համապատասխան համաձայնագրի կնքման միջոցով: Պայմանագիրը լուծվում է, եթե այն կնքելու օրվան հաջորդող վեց ամսվա ընթացքում այդ նպատակով պայմանագրի կատարման համար ֆինանսական միջոցներ չեն նախատեսվում: Ընդ որում յուրաքանչյուր հաջորդ համաձայնագիրը կնքելու համար ֆինանսական միջոցների նախատեսման համար սույն կետով տրված վեցամսյա ժամանակահատվածի հաշվարկը սկսվում նախորդ համաձայնագրով սահմանված ապրանքի մատակարարման արդյունքը ողջ ծավալով պատվիրատուի կողմից ընդունվելու օրվանից: Եթե պայմանագրի կատարման համար հատկացված ֆինանսական միջոցների չափը գերազանցում է գնումների բազային միավորի քսանհինգապատիկը, ապա Գնորդի կողմից համաձայնագիր կկնքվի, եթե Վաճառողի կողմից տուժանքի ձևով ներկայացված որակավորման և պայմանագրի ապահովումները՝ փոխարինվում են երաշխիքով կամ կանխիկ փողով՝ հաշվի առնելով ՀՀ կառավարության 2017 թվականի մայիսի 4-ի N 526-Ն որոշման N 1 հավելվածի 32-րդ կետի 1-ին ենթակետի «գ» և 17-րդ ենթակետի «բ» պարբերությունների պահանջները: Ընդ որում, Վաճառողը համաձայնագիրը կնքում, իսկ տուժանքի ձևով ներկայացված որակավորման և պայմանագրի ապահովումների փոխարինման դեպքում նաև նոր ապահովները Գնորդին ներկայացնում է համաձայնագիր կնքելու ծանուցումը ստանալու օրվանից տասնհինգ աշխատանքային օրվա ընթացքում: Հակառակ դեպքում պայմանագիրը Գնորդի կողմից միակողմանիորեն լուծվում է:

Պատվիրատուն 17.02.2023թ.-ին gnumner@ysu.am էլեկտրոնային փոստի հասցեից մասնակցի tastygroup1@mail.ru էլեկտրոնային փոստի հասցեին ուղարկել է համաձայնագիր կնքելու մասին ծանուցում:

Սակայն «Թեյստի Գրուպ» ՍՊԸ-ի կողմից պայմանագրով սահմանված ժամկետում, այն է՝ 13.03.2023թ.-ը ներառյալ Գնորդին չի ներկայացվել կնքված համաձայնագրի օրինակները:

Պայմանագրի 8.11-րդ կետի համաձայն՝ Վաճառողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Գնորդը հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Վաճառողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Գնորդը այն ուղարկվում է նաև Վաճառողի էլեկտրոնային փոստին:

Ելնելով վերոգրյալից՝ ինչպես նաև հաշվի առնելով այն հանգամանքը, որ կազմակերպությունը խախտել է պայմանագրով սահմանված պարտավորությունները, «Երևանի պետական համալսարան» հիմնադրամը որոշեց՝ միակողմանի հրաժարվել 04.02.2023 թվականին կնքված ապրանքի մատակարարման թիվ «ԵՊՀ-ԷԱՃԱՊԶԲ-23/02-4» ծածկագրով պետական գնման պայմանագրից՝ համարելով այն լուծված, իսկ պատշաճ ծանուցումն ապահովելու նպատակով՝ կիրառել ՀՀ կառավարության 2017 թվականի մայիսի 4-ի թիվ 526-Ն որոշմամբ հաստատված «Գնումների գործընթացի կազմակերպման մասին» կարգի 33-րդ կետի 17-րդ ենթակետով և Պայմանագրի 8.11-րդ կետով սահմանված դրույթները:

«Գնումների մասին» ՀՀ օրենքի (այսուհետ նաև՝ Օրենք) 6-րդ հոդվածի 1-ին մասի 6-րդ ենթակետի «ա» պարբերության համաձայն՝ գնումների ընթացակարգերին մասնակցելու իրավունք չունեն այն անձինք՝ որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝ խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը:

Հիմք ընդունելով վերոգրյալը՝ առաջարկում ենք մինչև 27.03.2023թ.-ը ներառյալ Հավելված 3.2-ով և Հավելված 4.1-ով տրված տուժանքի մասին համաձայնագրերին կից ներկայացված վճարման պահանջագրերի 13-րդ կետում նշված շահառուի հաշվի համարին փոխանցել նույն պահանջագրերի 14-րդ կետում նշված որակավորման ապահովման և պայմանագրի կատարման ապահովման գումարները ամբողջությամբ, իսկ վճարման կտրոնների բնօրինակները՝ ներկայացնել ԵՊՀ գնումների կազմակերպման վարչությանը: Վերը նշված պահանջը կատարելու պարագայում մասնակիցը չի ներառվի գնումների գործընթացին մասնակցելու իրավունք չունեցող մասնակիցների ցուցակում:

Հարգանքով՝

ԸՆԴՀԱՆՈՒՐ ՀԱՐՅԵՐԻ ԳԾՈՎ ՊՐՈՌԵԿՏՈՐ՝

Ա. Գ. ՄԱԼԽԱՍՅԱՆ

